

# *Radar*

2015 nr. 1

Kyrkjeblad for Radøy sokn

31.årgang





## DEN NORSKE KYRKJA

Radøy sokn

Idrettsvegen 1, 5936 Manger  
Tlf 5634 9840

[www.kirken.no/radoy](http://www.kirken.no/radoy)

Dagleg leiar Audun Sylta  
901 95 179

Kontorfullmektig  
Hilde Marit Solend  
5634 9840

Sokneprest Kjell Sækkingstad  
951 41 360

Prostiprest  
Marianne Støylen Skauge  
472 34 796

Trusoppplæringsmedarbeidar  
Willem Vogelaar  
479 73 670

Organist I J. William Kay  
915 91 482

Organist II Frode S. Storheim  
948 38 985

Dirigent Radøy damekor  
Jüratè Norkuviené  
967 59 916

Arbeidsleiar kyrkjegardane  
Arne Palmesen  
911 53 484

Kyrkjetenar  
Berit Karin Vogelaar  
942 42 233

Kyrkjetenar Marta G. Hvidsten  
909 18 214

## Nytt frå dagleg leiar



### Stolar i Hordabø kyrkje

Kyrkjelydsutvalet i Hordabø ynskjer å ta bort nokre av benkane i kyrkja og setja inn stolar. Kyrkja vil dermed verta meir fleksibel, spesielt til konserter då det er trong for meir plass framme i kyrkja. Det vil også letta tilkomsten for rullestolbrukarar. Bjørgvin bispedøme har no godkjent at det kan takast bort seks benkar og soknerådet har gjort vedtak om å kjøpe inn 40 stolar.

Kyrkjelydsutvalet har vore svært aktivt og hatt konserter, basar og loddsal slik at finansieringa er i orden. Utvalet ynskjer at fargane på benkane skal gå att i dei nye stolane. Endeleg fargeval må godkjennest av bispedømet.

Hordabø kyrkje vart opna 5. august 1975 og har 140-årsjubileum i 2015. Utvalet vil gjerne ha på plass dei nye stolane til jubileet i august.

### Kyrkjelydens årsmøte

Søndag 26. april kl. 18.00 vert det årsmøte for Radøy sokn i Manger kyrkje. Tradisjonelt har årsmøta vore på ein søndag etter gudstenesta. Vi vil i år prøve ein ny vri der det vert konsert før årsmøtet. Etter konserten vert det kyrkjekaffi og årsmøtesaker.

### Gravplassane

Vinteren i år har vore nedbørsrik og det har knapt vore frost i bakken. Vi får meldingar om at det er svært vått

ein del stader. Det er ikkje tilfredstillande for nokon at det er slik, men det er diverre ikkje alltid så enkelt å retta på det. Grøfting må stort sett vente til vi kan få omregulert eit felt, noko som kan ta lang tid. Dei nye felta på gravplassane er stort sett godt drenerte, så problema gjeld stort sett dei gamle felta.

### Reidskapshus på Hordabø

Vi har i praksis ikkje hatt rom for materialar og reiskap på Hordabø. Lageret har vore i ein gamal vanntank vest for kyrkja. Arbeidet vart påbegynt med utgraving og fylling av steinmassar i 2014. No har våre to allsidige utarbeidarar sett opp grunnmuren og vonleg vil vi få opp bygget og tatt det i bruk i løpet av 2015.

### Ny organist II

Frode Skag Storheim tok til som organist II i 15% stilling den 1. februar i år. Frode kjem frå Radøy og har spelt i kyrkjene våre som vikar sidan 2008. Han starta pianistutdanning ved Griegakademiet i Bergen i 2008 og arbeider som frilansorganist i Nordhordland og Bergensområdet. Han har no endeleg fått sin første faste jobb ifølge han sjølv.

Frode Skag Storheim har allereie hatt eit par tenester for oss etter tilsetjinga, men 8. mars som også er Frode sin fødselsdag fekk vi ønska han offisielt velkomen i kyrkja på gudstenesta på Hordabø.



Audun Sylta

Dagleg leiar

## Nye kyrkjetekstilar i Sæbø

1.sundag i adventstida 2014 vart dei nye kyrkjetekstilane i Sæbø kyrkje tekne i bruk. Det er Sæbø kyrkjeforeining som står bak den flotte gáva.

Kyrkjeforeininga har jobba lenge med å samla inn pengar til nye kyrkjetekstilar i Sæbø kyrkje. Hittil har kyrkja kun hatt grønne preikestolklede, men takka vera den storstile gáva frå foreiningsdamene har kyrkja fått nye klede både til preikestol og lesepult i alle kyrkjeårets fargar.



Radøykunstnaren Åse Eriksen har laga dei vakre tekstilane som vart brukt for første gong under Lys Vaken-gudstenesta den 30.november. Sokneråd og kyrkjelyd sender ein stor takk til kyrkjeforeininga!

## Leif Ove, Harmonien og Damekoret



I januar var songarar frå Radøy damekor med på to konsertar saman med Leif Ove Andsnes og Bergen Filharmoniske Orkester. Begge konsertane var utselde og vart sendt direkte både i NRK P2 og i nett-tv via BFO sitt "Digitale konserthus."

Songarane frå damekoret var med i det store "strilekoret" som framførte Beethoven sin Korfantasi saman med orkesteret og Andsnes. Ei stor oppleving for alle som var med!



# BARNAS SIDE



**Fargelegg**

Dei glade kvinnene ved Jesus si tomme grav!


Teikningar: Kari Sortland

**Finn  
5  
feil**

Dei to bileta er nesten like. Finn du dei fem feila på biletet til høgre?



Abonner på barnebladet



# BARNAS

**16 blader + DVD eller bok = berre 365,-**

(privatabonnement heim i posten)

Gruppeabonnement berre 199,- per barn

Bibelteikneseriar og gøyale aktivitetar!

Perfekt som faddergåve!

Ting på [barnas@sondagsskolen.no](mailto:barnas@sondagsskolen.no) eller på telefon 22 08 71 00



## *Kven skal styre kyrkja vår?*

# Kyrkjevalet 2015

**Den 14. september er det val på nytt sokneråd, og fram til 1. mai kan du påverka kven som skal stå på lista over kandidatar.**

Forslag på kandidatar til soknerådet kan meldast til nominasjonskomiteen i Radøy innan 15. april 2015. Kontaktperson er leiar i valstyret, Gudrun Rikstad (tlf 916 84 978). Medlemmer av Den norske kyrkja som bur i soknet og som seinast i 2015 fyller 18 år kan veljast.

### *Alternative lister*

Soknerådet har oppnemnt ein nominasjonskomite som skal lage ei liste. Det er i tillegg høve for andre å levere inn eigne kandidatlistar innan fristen 1. mai 2015. Forslag til kandidatlistar skal vere underskrivne av 10 røysteføre medlemmer. For å få vita krav til kva opplysningar som skal vera med om kvar kandidat kan du sjå våre valsider på [www.kirken.no/radoy](http://www.kirken.no/radoy)

Alle kandidatlistar skal ordnast i prioritert rekkefølge (ikkje alfabetisk). Kandidatlistar bør om mogeleg ha minst 40 prosent representasjon av kvart kjønn, og minst 20 prosent representasjon av ungdom under 30 år.

Når det er tid for å velja, vil alle kandidatar på lista få ei røyst kvar, medan inntil tre av dei kan få to røyster kvar dersom veljaren set kryss framfor namnet til kandidaten. Det vil også vera mogeleg å overføra namn frå ei liste til ei anna, dersom det er fleire lister.

### *To val*

Kyrkjevalet finn stad 14. september 2015, med førehandsrøysting frå 10. august. Direkte val på fire leke medlemmer av bispedømerådet finn stad samstundes med soknerådsvalet. Medlemene av bispedømerådet utgjer også Bjørgvin sine medlemmer i Kyrkjemøtet, det høgste organet i Den norske kyrkja. Kyrkjevalet vert halde same dag som kommune- og fylkestingsvalet og i nærleiken av dei offentlege vallokala. Alle røysteføre medlemmer av kyrkja vil få tilsendt eit valkort i posten før 10. august. Der vil det stå kvar ein kan røysta.



### *Kva gjer soknerådet?*

Soknerådet leier verksemda i kyrkjelyden der du bur. Som medlem i soknerådet kan du ha stor innverknad på dei lokale oppgåvene og utfordringane i di kyrkje. Arbeidet i kyrkjelyden spenner over mange tema – mellom anna miljø og rettferd, gudstjeneste, musikk, misjon, barne- og ungdomsarbeid, i tillegg til jus og forvaltning av økonomien.

Det er 8 medlemmer i Radøy sokneråd. Dei har ulik utdannings- og yrkesbakgrunn og mange er aktive på andre arenaer i lokalsamfunnet. I tillegg deltek presten fast på rådsmøta.

Soknerådet møtest cirka 10 gonger i året. Dei aller fleste som sit i eit sokneråd, opplever at vervet ikkje krev mykje av fritida deira; dei fleste nyttar mindre enn ein time i veka på vervet. Medlemmene er valde for fire år.

Ei undersøking blant soknerådsmedlemmr viser at eit stort fleirtal både trivst og opplever det som meningsfylt å sitja i soknerådet. 85 prosent av rådsmedlemmene synest vervet var meir eller om lag så tilfredsstillande som dei hadde forventa.


- *Du kan lesa meir om kyrkjevalet både i Radøy og Bjørgvin på våre valsider. Gå direkte dit ved å gå inn på [www.kirken.no/val-radoy](http://www.kirken.no/val-radoy) Der kjem vi til å halde dykk oppdatert med alt som har med kyrkjevalet å gjere!*

## I kriser er vatn kritisk

**Klimaendringane fører til fleire og verre katastrofar, og truer menneskes tilgang på reint vatn. I haust overlevde Muhammed og familien så vidt den dramatiske flaumen i Pakistan.**

Det er dei fattigaste som vert hardest ramma av klimaendringane, anten det er i tyfon på Filippinane, tørke i Etiopia eller flaum i Pakistan.

Ein av dei som nyleg har fått merke dette på kroppen, er Muhammed Irsdad. Han er gift og har 3 born, og bur i landsbyen Basti Riaz Abad i Pakistan. Ein morgon tidleg i oktober kom flaumen brått til landsbyen.



- Vatnet kom i stor fart frå kanalen, og eg måtte ta med familien og springe i tryggleik. Vi sprang til næraste landeveg, som ligg litt høgare enn resten av landsbyen. Slik berga vi livet, fortel Muhammed.

### *Vart sjuk av vatnet*

Familien vart buande på denne landevegen uten ly i over ein måned, ventende på hjelp. Då flaumen kom, hadde dei ikkje tid til å ta med korkje husdyr eller annan eigedom. Huset vart fullstendig øydelagt og husdyra drukna.

*Muhammed Irsdad (25) i landsbyen Basti Riaz Abad i Punjab, Pakistan, mista alt når flaumen kom. Dette er den største katastrofen vi har opplevd, seier han. Foto: Fahim Farid/Kirkens Nødhjelp.*

- Vi har aldri opplevd flaum i landsbyen før, det er noko heilt nytt, seier Muhammed. Flaumen hadde store konsekvensar for Muhammeds familie. Tidlegare jobba Muhammed som tryggleiksvakt og heile storfamilien var avhengige av inntekta hans. Etter flaumen måtte Muhammed vere saman med familien og han miste difor jobben. I tillegg har flaumen gjort at drikkevandet er forureina.

- Dottera mi på to år er blitt sjuk av å drikke vatnet etter flaumen. Det er så vidt vi hadde råd til å betale for medisinerane ho treng for å overleve, fortel han alvorleg mens kona held dottera tett inntil seg.

Kirkens Nødhjelp sin partner Sunghi var ein av dei første organisasjonane som kom til Basti Riaz Abad. Dei skal gjø Muhammed og landsbyen nye handpumper, latriner, hygieneutstyr og sikre at landsbyen på nytt får trygt vatn.

### *Du kan hjelpe*

I kriser er vatn kritisk. Difor er vatn noko av det aller første Kirkens Nødhjelp stiller med i katastrofar. Dei sørgjer for reint vatn og høve til gode sanitærforhold der alt er øydelagt. Samstundes jobbar dei saman med folk i utsette område for å førebyggje den neste naturkatastrofen. Kirkens Nødhjelp jobbar i tillegg med å påverke politikarar og andre som styrer og tek avgjerder, til å stanse klimaendringane.

Kirkens Nødhjelp treng di hjelp for å hjelpe. 22.-24. mars går Kirkens Nødhjelps fasteaksjon 2015 av stabelen. Dette er kyrkjelydene sin eigen aksjon. Ditt bidrag gjer det mogleg for Kirkens Nødhjelp å vere der med reint vatn når katastrofen rammar. Difor håpar vi du vil støtte fasteaksjonen 2015 i Radøy, anten ved å stille som bøssebærer eller med pengar i bøssa. Vi oppmodar deg også til å bruke stemma di i fasteaksjonens klimakampanje og slik bidra til å stoppe klimakrisa.



*Ruinar: Muhammed Irsdad framfor det som ein gong var inngangsdøra til huset. Her kom flaumen frå, seier han og peikar. Foto: Fahim Farid/Kirkens Nødhjelp.*



*Muhammed Irsdad og familien hans fikk livet endra totalt når flaumen ramma landsbyen. Huset vart fullstendig øydelagt, og den yngste dottera, Sadia (2), har vorte sjuk av det forureina vatnet. Foto: Fahim Farid/Kirkens Nødhjelp.*

## Helsing frå Estland

### *Rekordbesøk på søndagsskolen i Saku*

**“Vi er i full sving igjen”, skriver misjonærene Ave og Magne Mølster i Estland på bloggen sin. - Vi har nok å gjøre med babysang, søndagsskole, jenteklubb, gudstjenester og bønnemøte. Ungdomskveld og konfirmasjonsforberedelser starter opp litt senere.**

Vi hadde nylig vårt søndagsskolemøte for å planlegge resten av semesteret. Vi diskuterte blant annet hvordan vi skulle få flere barn til å komme til søndagsskole: Den siste tiden har besøket på søndagsskolen variert fra 5-10 barn per gang.

### *Luksusproblem*

Vi bestemte oss for å lage en plakate i lokalavisa og på utetavla. Men før vi hadde rukket å få plakaten ferdig, dukket det opp 19 barn på den første søndagsskolen januar! Så mange barn har det aldri vært på søndagsskole i Saku menighet! Det var nesten alle de barna som har vært inntom søndagsskole i løpet av den siste tiden, plus én ny. For et bønnesvar! Nå er vi litt skeptiske i forhold til å verve nye barn, fordi vi ikke har plass for flere – hvis alle kommer samtidig. Heldigvis fikk vi den ideen å dele gruppa i to på slutten av timen, ellers hadde ikke alle fått plass oppe på verkstedet. Vi hadde rett og slett et luksusproblem.



### *Bønnesvar*

Høsten 2014 startet vi opp med jenteklubb for 10-15-åringar. Hovedhensikten med dette var å kunne fange opp jentene som har vokst ut av søndagsskolen – og detteva fungerer! Det har vært en lørdags formiddag i måneden med et spennende “jente-tema», snakk om kvinner i Bibelen og et deilig måltid (som vi lager sammen). Vi koser oss! Temaene i høst har vært: helse, vaske/ryddetips, skjønnhet, julemat, bake boller.

Det gledelige er at noen av disse unge jenter er interessert i å dra til vinterens store kristne ungdomsleir i Estland! Dette er igjen et bønnesvar, og gir oss bekræftelse på at dette er en viktig gruppe! Takk for at dere ber! Det hjelper masse!

*Ave og Magne Mølster 30.01.2015*

### Min salme

**Eg har ikkje éin favorittsalme. “Salmeskatten” er stor, og det er mange eg likar og har eit forhold til. Salmeval skiftar med både årstider og sinnsstemning.**



Etter lang tenkjing stod valet til slutt mellom tre, og sidan dette er påskenummeret av Radar, så enda eg opp med nr 197 – Deg være ære. Dette er for meg ein mektig påskesalme. Den oppsummerer i berre tre vers heile grunnlaget for den kristne trua. Melodien er også avgjerande for valet. Händels flotte melodi er full av overskot og kraft, den løftar heile salmen til ein jubelsong, som det passar på påskemorgon. Når orgel og evt messingblåsarar spelar opp til denne salmen, då er det høgtid!

Du lurar kanskje på dei to andre. Den enkle nynorske salmen “Å leva det er å elska det beste di sjel fekk nå”, er ei alltid viktig påminning for meg. Og så vert eg alltid rørt over dåpssalmen “Fylt av glede over livets under”. Den er vakker.

*Jon Askeland  
Ordførar i Radøy*

## Familiennytt



### Døpte

#### Dåpsdato

30.11.2014 Elias Nordal Askeland  
 14.12.2014 Ellinor Grindheim Håland  
 18.01.2015 Marte Cecilie Kvalheim  
 18.01.2015 Didrik Tobias Vestheim Dale  
 18.01.2015 Viktor Pletten Skråmestø  
 08.02.2015 Mathias Sylta Myking  
 08.02.2015 Marius Villanger  
 08.02.2015 Thea Westrum  
 15.02.2015 Rikke Seilfaldet  
 15.02.2015 Karoline Helland Andersson  
 15.02.2015 Isabella Sagstad Ohnstad  
 15.02.2015 Gabriel Alexander Villanueva Myking  
 22.02.2015 Markus André Thomassen Veland  
 22.02.2015 Lucas Scott Evensen  
 22.02.2015 Jonas Gaustad  
 22.02.2015 Jonah Øren Johansen

01.03.2015 Andrine Mikalsen-Kviste  
 08.03.2015 Aron Leander Mellingen-Grønli  
 08.03.2015 Amalie Skjelvik Helland  
 08.03.2015 Linnea Skjelvik Helland



### Døde

#### Seremonidato

28.11.2014 Alvhild Dalland  
 05.12.2014 Asbjørn Villanger  
 02.01.2015 Torleiv Haukeland  
 30.12.2014 Vemund Gunnarson  
 06.01.2015 Randi Villanger  
 09.01.2015 Birger Johan Marius Bruksås  
 27.01.2015 Helge Harald Rikstad  
 30.01.2015 Lisbeth Helland  
 25.02.2015 Sigurd Solheim  
 20.02.2015 Anna Aslaug Ulvatn  
 06.03.2015 Linda Bente Nordvik  
 10.03.2015 Mona Irene Nygård Andersen  
 10.03.2015 Solveig Tolleshaug Dale

## KAFFEKROKEN



### Kan du hjelpe?

Vi treng skifer til taket på det nye reidskapshuset på Hordabø. Planen er å nytta såkalla dråpeskifer 12x18. Dersom nokon har god, brukt skifer ver gild å ta kontakt med kyrkjekontoret.

## Innkomne offer

Dag	Offermål	Kr
23.11 Kristi kongedag	Den evangelisk lutherske kirke i Jordan og Det hellige land	2385
30.11 1.sundag i adventstida	Trusopplæring i Radøy	2223
07.12 2.sundag i adventstida	KRIK	2105
14.12 3.sundag i adventstida	Diakoni og kyrkjemusikk i Radøy	1227
24.12 Julaftan	Kirkens Nødhjelp (3 offer)	20289
	Kirkens Bymisjon	11527
25.12 Juledag	Det Norske Misjonsselskap	3570
01.01 Nyårsdag	Den Norske Israelsmisjon	1660
04.01 Kristi openberringsdag	Diakoni og kyrkjemusikk i Radøy	1296
11.01 2.sundag i openberringstida	Det Teologiske Menighetsfakultetet	Messefall
18.01 3.sundag i openberringstida	Trusopplæring i Radøy	3370
25.01 4.sundag i openberringstida	Kyrkjelyden sitt misjonsprosjekt	5061
01.02 Såmannssundagen	Den Norske Bibelselskap	3548
08.02 Kristi forklåringsdag	Bergen søndagsskolekrets	2338
15.02 Fastelavnssundag	Himalpartner	2955
18.02 Oskeonsdag	Diakoni og kyrkjemusikk i Radøy	415
22.02 1.sundag i fastetida	Trusopplæring i Radøy	2206
01.03 2.sundag i fastetida	Familie og medier	2794
08.03 3.sundag i fastetida	Misjonsalliansen	2534

	Hittil i 2015	SUM 2014
Offer til kyrkjelydsarbeid (diakoni, kyrkjemusikk):	3583,00	10823,00
Offer til trusopplæring (born og ungdom 0-18 år):	5028,00	32569,00
Offer til andre organisasjonar:	13492,00	93883,00



# R A D A R

MELDINGSBLAD FOR

HORDABØ MANGER SÆBØ

NR 5 | 22. DESEMBER 1985 | 1. ÅRGANG

## Radar 30 år!

I år er det 30 år sidan det første nummeret av kyrkjebladet vårt, Radar, kom på trykk! Dette kjem vi til å skrive meir om seinare i år, men her får du eit par små tilbakeblikk frå året 1985. Desse har vi fått tilsendt av tidlegare sokneprest, og bladet sin første redaktør, Per Einar Sønnesyn.

### RADAR VART NAMNET \*\*\*\*\*

Det vart hard tevling heilt til målstreken mellom dei tre namneframlegga som stod att:  
Kyrkjebladet Vårt 17 røyster  
Godt Nytt 17 "  
Radar 20 "

Vinnarnamnet var innsendt av Liv Sønnesyn, som får bokpremie etter eige val.

Mellom dei som hadde røysta på vinnaren vart Astrid Myrtveit uttrekt til gavekort på kr.100. Og mellom alle innsendarane fekk Arvid Kjerstad Aasgard frukt eller konfekt til kr.50,- Me ynskjer vinnarane til lukka, og takkar alle som var med!

### Korleis har du det eigentleg?

Kirkens SOS  
815 33 300  
[www.kirkens-sos.no](http://www.kirkens-sos.no)



### MANGER GRAVMONUMENT

5936 Manger • Tlf. 452 71 563

Ring for avtale  
[terje.skjelvik@broadpark.no](mailto:terje.skjelvik@broadpark.no)



BLOMSTERFORRETNING  
Manger Senter • 5936 Manger • Tlf.: 56 37 34 77

### KVALHEIM EIENDOM AS

Idrettsvegen 7 5936 Manger  
Tlf: 56374073  
[kval.vvs@frisurf.no](mailto:kval.vvs@frisurf.no)



5936 Manger • Tlf 56 34 98 60  
[www.fiskenett.no](http://www.fiskenett.no)

### Nordhordland Begravelsesbyrå as

Havnevegen 31, 5918 Frekhaug  
Idrettsvegen 1, 5936 Manger  
Tlf. 56 37 14 10

Gravferdsbyrå for heile Nordhordland  
[post@nordh-bb.no](mailto:post@nordh-bb.no) / [www.nordh-bb.no](http://www.nordh-bb.no)

### Vatne Begravelsesbyrå

Kvassnesveien 11 - 5914 Isdalstø  
Tlf 56 35 09 10 - Vakttelefon



Tlf 56 35 55 80

### BUNNPRIS

Bøvågen Mat • Tlf 56 37 00 90



Elinstallatør - Lampebutikk  
Tlf 56 34 96 20



### REMA 1000

bare lave priser

Manger Senter  
07-23 (09-21) 5637 2255



Grønåltegen 18, 5936 Manger  
Telefon: 56 37 00 40  
[info@tannlege.so](mailto:info@tannlege.so)

[www.tannlege.so](http://www.tannlege.so)



Tørkeloftet As  
Blomster & interiør

Manger Senter  
Tlf: 56374020  
[torkeloftet@gmail.com](mailto:torkeloftet@gmail.com)

Vi hjelper deg med blomster til alle anledninger.

### Smiths

møte- og selskapslokale  
Manger— Ring 56 37 31 11  
leverer snittar, koldtbord og varm mat



ENTREPRENØR  
5936 Manger, Tlf. 56 37 35 60



# Vel møtt i kyrkja!

Sjå òg nett-  
sidene våre:  
[kirken.no/  
radoy](http://kirken.no/radoy)

søndag 29. mars	1100	Manger. Gudsteneste. Offer: KIA.
torsdag 2. april	1900	Hordabø. Gudsteneste. Offer: Trusopplæring i Radøy. Kveldsmat.
fredag 3. april	1900	Hordabø. Pasjonsgudsteneste.
søndag 5. april	1100	Hordabø. Gudsteneste. Offer: Misjonsprosjektet vårt i Estland. Påskefrukost i kyrkja frå kl 0930.
søndag 12. april	1100	Manger. Gudsteneste. Offer: Sjømannskirken - Norsk kirke i utlandet.
søndag 19. april	1100	Sæbø. Gudsteneste. Offer: Misjonshøgskulen i Stavanger.
søndag 26. april	1100	Hordabø. Gudsteneste. Offer: Kirkens SOS i Bjørgvin.
laurdag 2. mai	1100	Sæbø. Konfirmasjonsgudsteneste. Offer: Trusopplæring.
	1300	Sæbø. Konfirmasjonsgudsteneste. Offer: Trusopplæring.
søndag 3. mai	1100	Emigrantkyrkja. Konfirmasjonsgudsteneste. Offer: Trusopplæring.
laurdag 9. mai	1100	Hordabø. Konfirmasjonsgudsteneste. Offer: Diakoni & kyrkjemusikk.
	1300	Hordabø. Konfirmasjonsgudsteneste. Offer: Diakoni & kyrkjemusikk.
søndag 10. mai	1100	Manger. Konfirmasjonsgudsteneste. Offer: Trusopplæring.
	1300	Manger. Konfirmasjonsgudsteneste. Offer: Trusopplæring.
torsdag 14. mai	1100	Solendfjellet. Friluftsgudsteneste. Offer: Fjon fjellkyrkje.
søndag 17. mai	1000	Manger. Gudsteneste. Offer: Kirkens Nødhjelp.
	1100	Sæbø. Gudsteneste. Offer: Kirkens Nødhjelp
	1115	Hordabø. Gudsteneste. Offer: Kirkens Nødhjelp.
	1230	Emigrantkyrkja. Gudsteneste. Offer: Kirkens Nødhjelp.
søndag 24. mai	1100	Sæbø. Gudsteneste. Offer: Misjonsprosjektet vårt i Estland.
måndag 25. mai	1300	“Katedralen” på Bø. Friluftsgudsteneste. Offer: Misjonsprosjektet.
søndag 31. mai	1100	Manger. Gudsteneste. Offer: IKO - Kirkelig pedagogisk senter
søndag 7. juni	1100	Hordabø. Gudsteneste. Offer: Trusopplæring i Radøy.
søndag 14. juni	1100	Manger. Gudsteneste. Offer: Kirkens Bymisjon
søndag 21. juni	1100	Tjorehagen. Friluftsgudsteneste. Offer: Fjon fjellkyrkje.
søndag 28. juni	1100	Manger. Gudsteneste. Offer: Diakoni og kyrkjemusikk i Radøy.

Hugs å sjekka kalenderen på [www.kirken.no/radoy](http://www.kirken.no/radoy) for oppdatert informasjon om gudstenester og for oversikt over andre arrangement og tilbud i kyrkjelyden!

*“...ein må ikkje berre sjå etter om det er gudsteneste i den næraste kyrkja,  
men tenka at både Sæbø, Hordabø og Manger er mi soknekyrkje.”  
Biskop Halvor Nordhaug, visitas 2012.*

Redaksjon: Ludvig Grindheim, Elin Klausen, Silje Kristin Ellingsen  
Utforming: J. William Kay • E-post: [radar@radoysokn.no](mailto:radar@radoysokn.no) • Trykk: Trykk Service A/S Knarvik  
Bilete: © Kirkerådet (side 6-7), Arthur Kleiveland - Radøy kommune, Audun Sylta.



**DEN NORSKE KYRKJA**

Radøy sokn

